

denen/so es gerne haben/mehr gleichnis ge-
ben von dem Artikel / das die Einige Gotts-
heit nicht zertrennet/noch die Personen in ein-
ander gemenget werden sollen/vnsern Glaus-
ben zu stercken vnd zu bekennen.

Am Jordan/da Sanct Johannes den
DEXXI teuffet/thet sich der Dimel auff/
vnd fur der heilige Geist hernider leiblich in
einer Tauben gestalt / Vnd des Vaters stim
ward gehört / Dis ist mein lieber Son/ an
dem ich wolgefallen habe / Luce 3. Die ist
die Taube eine Creatur / welche nicht allein
der heilige Geist geschaffen hat / Sondern
auch der Vater vnd Son / wie gesagt / das
opera trinitatis ad extra sunt indiuisa/Was
Creatur ist/das hat/Gott Vater/Son/vnd
Heiliger geist/ zu gleich als ein Einiger Gott
gemacht / Noch heisst/ die Taube allein der
Heilige geist / oder wie Lucas sagt/ ist allein
der Heilige geist hernider gefaren in der Tau-
ben gestalt / Vnd würde in keinen weg der
Christliche Glaube leiden/das du woltest sas-
gen/ von der Tauben/ Das ist Gott der Va-
ter / oder das ist / Gott der Son / Sondern
muß sagen / das ist Gott der Heilige geist/
ob wol Gott der Vater / Son vnd Heiliger
geist/ein Einiger Gott ist/das du gantz recht
sagest/von der Tauben/das ist Gott/vnd ist
kein ander Gott mehr / vnd doch vnrecht sas-
gest/

R gest/